台

學

統

學統卷一 **氣節之學士** 而高節之 廉直之儒也曰忠節極言敢諍致命遂志之 氣節之學略分三宗日高節隱逸之 以製當世之 也清節之士嚴義利之辨忠節之士破生死之 出而從政必能清心篡欲直諫敢言致命遂志 ● 日县 充一 無節上一 1之名第自為重而為人輕故雖萬鍾之 「則輕利而重死是以 文網遂甘稿餓 高節上 黄嚴王 吳興劉 了不願一 M **苯梅耳然** 災災因氏 世 一時之 君 關

晉書隱逸傳任旭字次龍臨海章安人也父訪吳南 習養志而已 太守旭纫孤弱兒童時勤於學及長立操清修 任功曹頃人 辨而能人聖賢之室者葢未有也余故纂輯台學 徵士任次龍先生 景慕前修特以氣節之士冠羣賢之首爲 于乘之位直做屣視之耳嗟乎士不首嚴義利之 而愛之 一下三分 、也吾違其讜言以至於此復何言哉尋 旭正色苦諫秀旣不納 一秀坐事被收旭狠狈営 一郡將蔣秀嘉其名請爲功曹 旭 旭謝去閉 源業 秀居官 堂刑

位鎮東大將 通 旭 與賀循守 興建公車 召爲參軍 不行專天 明經 稱 《台學統一派節上一 疾篤 Z 軍復 難尋 手書 死不 那 徵會遭母憂 寧末 經 大 旭 一禮 亂 召之 與旭欲使 與會稽 迴 帝崩事遂履 敏 陳 及為左 、敏作逆 到 卒 虞喜 旭 於時司 不能 向 必 售 到 丞 屈 朝 俱 東名 空王 延多 以 旭 稽 明 相 帝 留 辟 帝 旭 **隱學被** 固 |故志 導 豪並 辭 徵 即位 為 初 火 鎮江 放立學校 祭 以疾後 ||佝隱| 酒並 召 輖 東 猁 闡

操歲寒不移研精墳典居今行古志操足以 子袷之詩未嘗不慨然臨海任旭會 林虞喜傳太寕中旭 並為博 莫尚乎崇道教明退素也喪亂以 帝紀太寧三年三月癸 此則州太中正也中正乃一郡之中 以明道前雖不至其更以博士徵之 任旭章安人字次龍立 和 **丕**年卒太 为 馮 傻 士 行子琚位至大宗正終於家樣故 與喜俱徵 已徵處士臨海任 上疏謂宜 不就 以來儒雅陵夷每覽不就詔日夫興化致 倒之菜 货 此 即 太心操足 以 勵俗 博學 大興化 旭會稽處 益宗 進 上 造 、 道 旅 談 峻 峻迅

舉孝廉除郎中固辭歸永康初惠帝博求凊高之士 明葉良佩西谷記黃嚴自古稱山 守仇馥薦旭辭疾不行陳敏作逆江東名豪並見羈 里有松巖三仙奧晉任功曹旭之故 清一統志任旭字次龍章安人立操清修不染流 起咸和三年卒子琚位大宗正 之陽日西谷空明黃山人之別業在馬拔號此 與賀循守死不回敏卒不能屈元 收數日任功曹眞人 **《台里光)**氣節上 秀不奉法苦諫不納謝去久 也惠帝元帝明帝時咸召 明 一谿谷最 一帝屢徵 西南十 氏在任

藏通博亦必首推先生 載考其平生十被召命始終高蹈皭然 棻按吾台之士國史有傳始於先生而志節高邁 先生有馬晁氏所謂有學有守去就之義潔出處 見孔子日篤信好學守死善道有道 其志操博學足以勵俗明道則其高風亮節已可 為眞人仇馥薦其貞潔馮懷請贈 年雖地之 若程朱之於孔孟遺文軼事放失不傳僅據晉書 與次 相去未若鄒嶧之於珠泗而世之 龍業 在此名少白堂今藥山砌一茶謝伋自塞石徙居於此 顧自先生至今一 儿列明帝詔書稱 則見無道則隱 **期**開 不維蔣秀歎 一千五百 和後

赤城志遺逸張潰天台隱士 **鶴歸華頂期僧過石橋雖然在京國心跡自逍遙** 露白覆棊肖林青寶易朝道高天子問名重四方招許 贈張潰處土 名重四方招之句王正 風入松徑海月上 張處土永豐王貞白有道撰 分明君子之全德也謹取以冠吾台之士夫何閒然 張熈十 張處士賞 言詩句造元微古樂知音少名言與俗違山 | 毘陵喻鳧坦之撰 山陽趙嘏承茄 1月1日 一天節上一 一巖屏畢世难高臥無人說是非 一白集亦有憶台州張處士詩 一喻鳧贈詩有道高天子問 明尼姓的五

赤城志呂逢時仙居人字原道少受經於令陳公襄邑 贈張濆榜頭被駁落趙嘏 曾到蓬 排比花枝滿杏園 城志人之遺逸也宜 桑按据趙嘏贈詩則張墳曾登上第旋被駁放葢自 轉丹成最上 此逍遙京國終身不復應舉故人以張處士稱之 知學自逢時始人太學與鄭獬友駙馬都尉錢景臻 隱君呂原道先生逢時 山頂 古學統一 來 杯謫仙依舊是仙才猶堪與世爲祥 一仙青天暖日蹋雲軒春風賀喜無言語 77 SEE - - 1 哉 募業堂

就隱居白嚴山終身 師之欲奏以官 **廬墓側後築草堂於東山隱焉大觀中求八** 赤城志林放仙居人字達本元祐中將 尉錢景臻師之欲奏以官固辭不受羅適以孝廉舉 亦不就 元學案呂逢時字原道 **棻按鄭獬字毅夫安陸** 八宋史有傳 隱君 仙居人知學者自此始 林達本先生 《分學亦一無節上一 一解後隱於白嚴山羅提刑適舉以 放 宗皇핾五年進士 、太學與鄭獬友駙馬都 、也古靈爲令首執 五吳與劉 /孝康

爲銘君諱放達本其字也世爲處之麗水人君以其祖 推許親逝祿弗逮養乃謝去弗求仕遠近 居人少敏悟才智過人於文無所不工為賢士大夫所 太學生林君達本以高才力學爲友輩行所推許大觀 朱故林君達本墓誌銘錄流左譽與言撰故應詔放不懌去之二十里左譽銘其墓 女四人孫 · 齊過台之仙居慕佳山水買田築室而家 焉始為 一年冬譽歸自京師聞君以其年十 桐林之原有詩千首文集二十卷藏於家君天姿俊 訓百餘言享年五十有五配葉氏有賢德子男四 應詔 放不懌去之二十里左譽 男女各十人以政和元年葬於仙居縣 月卒其孤屬譽 敬服得疾草 台州 開 金 į 石

遺詩二首 **外矣觀君所為有其實而配其名厚於義而薄於利** 以為意嗚呼士夫所守實不足以配名義不足以勝利 **廿年有同舍耶致身於政府者每以詢君君聞之終不** 再叩徵弦為蕤貿陽光熾烈開林霏師文風操捉干載 贈琴僧 爽詩與字有唐 忽聞遺音情依依乃知上人指元妙陰陽造化卻能移 **霜林凋落雲影垂朔風獵獵皷寒威偶來禪房訪虛寂** 〈為我彈金徽始叩角弦為夾鍾草木發榮温風希 日家無長物庶幾古之得道者 /mle.fin. 氣節上一 人風元豐閒在太學與 時名 六人吳興爾氏 一士游

過 此身直與淵明儔老松飛翠落夏簟六月不暑涼於 此音長久無盡時舉世紛紛愛筝筑寂寥古意誰能 三閒老屋青山幽凊風麗麗寒飕飕脫巾坦腹臥其 山鑪活火茶煙浮 **月夜秋聲動翠微彩鳳飛鳴太空上老龍臥吟滄海湄** 山高臥 門不是子期子愼弗汗漫調朱絲 坤雖大有封域此音瀰漫無邊涯金石雖堅有銷 人所彈不在指我亦非於耳聽之霜天玉磬敲清曉 徐先生真定 江西和 徐季節先生庭筠 一聲野鶴忽驚醒 嘉業堂 秋

使 葬 純 所造詣 者 會 明道學其徒轉相 瀝 內 扇冬不 福 仁 隱 遺 唐劉 應 為之薦於 逸傳徐 對格 親及 逸 後 人莫 逐善類 不自學施一氣節上一 鑪夜 薦崇寧中郡守 舜赴 其友羅適 物致 測 也 里 不 且盡 闕 司馬光光 安枕者 知達 貧 得缓 交 傳授將往從馬至京師 死跳 無後者 州臨 持 所授 於治 謂斯 毎 躺 創 足 海 李諤又以 十餘 本 國 廬墓躬耕 年乃歸葺 經熟讀精思攻苦食 平 聞 、始知學聞 路 人神清氣 命机 舉 喪晚年教授學 天 小小 七、吳興 淚 登 不失其性 (母推其) 室 安定胡 首 和 戸党 可與進 謁 到 范 日 呇 餘 危 純 掞

中客有詰 欲避 喪毀甚既免 黃嚴會親友盡燬其所爲文幅 吾 試 一其沒錄其行事謂與山 難守願安時處順 得 三人庭筠其季也童丱有志 此 乎黃巖尉 題 中興 問中興歌頌庭筠歎 **以避舉要** 八行應科 一丁三千 非要 喪不忍娶者 鄭伯 名 也客 見者尤 名者中行 目則彼之不被 熊代 慙而 一十餘 去請益 之庭 陽徐積 一道伯熊受其言迄為 日 退 日 一筠日 今 陳 庭筠 瓘 舉 丽 豈歌頌時 謪 無行 非 呼 「富貴 别 角獸 委 科 業 類 闖 與吾 堂 邪 納

先生之墓庭筠之兄庭槐庭蘭皆有父風 歷訪舊 非之可躬蹈邪其學以誠敬爲主夜 成勸之庭筠解日吾嘗草封事謂岳廟冗禄無用 以居未嘗戚戚尤袤為守聞其名遣書禮之 臣有詔舉人嘗五 聞人 一必巾而後起居無惰容喜無戲言不事緣 東甌說一 熙閒常平使者朱熹行部拜墓下題詩有道學傅千 鄉 片善記其姓名遇饞凍者推食解衣 人崇敬之以其父子俱隱 游徜徉 一徐之句且大害以表之日有宋高士 幾月歸感微疾端坐 春官者 子岳祠庭 逃稱之 瞑目而 就 筠適應格 日二徐先生 榻 逝年八 飾 而後 日中 靳 荷 僦 旣 脫 所 徐 車 親

舉恩合得嶽祠庭筠日吾嘗草封事言嶽廟冗祿無 死免 赤城志徐庭筠黃巖 頌庭筠日今日豈歌頌時邪條其未足為中與者有 有守於是徐氏詩書不絕六世矣 學源流徐真定名中行字德臣臨海人幼人鄉校 苵 棻按宋世士以所居著籍故八行始遷黃嚴而陳篔 旣非之可躬蹈邪卒不就 窗作志卽以季節爲黃巖 一喪不忍娶者十年秦丞相檜當國 不忍欺君也 台學統一報節上一 那縣屈主學後進師尊之後 人字季節父中行嘗 人後世或仍稱其原籍誤 試題問中 平八 嘉米堂 八行中 7

危坐所造詣人莫測也誦先聖書必冠帶開卷有會意 蘇朔而心暴之會其徒劉彝於即舍得所授經熟讀精 處錄諸壁而時玩味焉閉門卻埽歲或一出識與不識 思夏不扇冬不鑪夜不安枕者踰年乃歸葺一室竟日 與進道他日不為國器必為儒宗已而聞胡安定講道 忠這公公薦这司馬文正公文正謂斯人神清氣和可 國平天下俾循其序以不失其性而後已故其弟子仕 其餘力葬內外親及州里貧無後者十餘喪遠近來學 知其為安定後學也居父喪哀毀逾禮躬耕養母推 日益眾其為教必自耀埽應對窮理修身以窪乎冶 《治學統一無節上一

無媠容夕不腹不脱巾旦必巾而後起事父兄孝友 徐温節名庭筠字季節眞定先生第二子自幼有高識 **群委羽山中樂其所自得者終身焉及卒門人尊之日** 每聞輒淚下於是去之黃嚴盡毀所爲文變易冠服徜 僚吏安車禮遣終不就時章蔡竊國柄竄逐善類先生 **延槐庭蘭皆有父風庭筠克世其學云** 真定先生陳忠肅公瓘錄其行事比之山陽徐仲車子 **摔部使者以遺逸薦崇寧中李守諤又以八行薦躬率 淮居喪毀甚服關猶自傷不忍娶者十餘年事無細**

冗食無用雖不果上心旣非之可躬蹈 利終不變所守以求合有詔舉人凡五 **颈先生数日今日豈歌頌時邪條其未足爲中興者 姚於心而已非求人知也時秦檜當國科場試中興歌** 費不容口平生潛德粥粥若無能者嘗日君子爲善無 忠信朋友有過面責不少假借小夫賤隸一善可取稱 **经誠必敬接人無貴賤必和必恭與人言必依於仁** 廟先生適應格所親咸勸之則日吾嘗草封事謂嶽 放迹田 見者尤之則日吾欲不妄語而敢欺君乎自 援洛人獻地康節故事欲率錢爲買田廬又 里終身不復至城府僦居六十年泰然不以 邓乃深衣幅 上春官 是試 者 與嶽 飒 廟

是蓝先生还名益以重台學之盛實權輿於此云 生之墓又輓以詩有道學傳干古東甌說一 **惠父子之賢特拜墓下大書以表日有宋高士二徐先** 獨行之君子矣湻熙閒晦菴朱子以常平使者行部聞 **家**間其名遣書禮之一日巾車 懸訪舊遊徜徉幾月歸 而德性精明學術湻正施諸言動舉合節度可謂特立 宜念之語畢端坐而逝年八十有五門人尊之曰温節 **越微疾及革語其子日吾惟不欺心一語佩之終身汝** 述時先有節便凌雲去也無心其風致可想見矣尤守 殺信田完之善者歸之皆笑而不願嘗詠竹有云未出 先生石南康子重誌其墓稱先生窮居海嶠無所師承 一徐之語由

器必為儒宗因福唐劉執中得執經於安定熟讀精思 室竟日危坐所造詣入莫測也父死跣足廬墓躬耕養 物致知達於治國平天下俾不失其性不越其序而 教授遠近來學者肩摩袂屬其為教必自澀埽應對 攻苦食淡夏水扇冬不鑪夜不安枕者踰年乃歸葺 賢之薦於司馬文正公謂斯人神清氣和他日不爲國 盡 宋元學衆徐中行字德臣臨海人嘗遊京師范忠宣 崇寕中 母推其餘力葬內外親及州里貧無後者十餘喪晚年 **已其友羅適持節本路舉以自代又部使者以逍遙薦** 殿所為文幅巾藜杖往來委羽 郡守李諤又以八行薦 《台學統一系節上一 山中陳忠肅羅謫 日去之黃嚴會親友 上、吳典劉 後

黃嚴尉鄭伯熊代去請益先生日富貴易得名節難守 定交相善謂與山陽節孝徐積齊名稱爲八行先生 嚴毅居無惰容孝友天至旣免喪猶不忍娶者十餘年 **田卒朱文公行部拜墓下題詩有道學傳千古東甌數** 誠敬為主無惰容無戲言不事緣飾不苟臧否年八十 那吾不忍欺君因疏未足為中興者五忤主司意見黜 秦檜當國試題問中與歌頌先生歎日今日豈歌頌時 **徐庭筠宗季節臨海人八行先生子童丱有志行律身** 節有守朱史稱徐氏詩書不絕者六世 願安時處順主張世道伯熊受其教迄爲名臣其學以 三徐句且太書表之兄庭槐庭蘭皆有父風孫日升苦

雅詢 文正公公謂斯人神清氣和可與進道他日不爲國 教
子
幼
遣
就
學
郷
校
已
有
島
聲
聞
安
定
胡
公
講
道
蘇
湖 行世為臨海人父都使公孫按有遠識不事生產每樂 有朱八行先生徐公事略少縣 然後歸葺一小室終日危坐 熟讀精思攻苦食淡夏不扇冬不鑪夜不安枕 **必為儒宗會福唐劉彝赴召得安定所授經館** 學先生至京都首謁范忠宣公一見賢之繼薦於司 聞某徒各以經轉相傳授又使之遠游求師友淵源之 為之冠帶開卷得意者用片紙記錄黏於壁別以倘 居治郡嘗往拜八行先生之門先生姓徐氏名中 ■ATE 在一氣衛上一 一般於解 陳 **璀** 堂中撰 悟 凡誦 士。吳剛翻氏 者踰 於姓 赤 城集 馬

逆炎元祐閒持節本路率部使者以遺逸薦諸朝且舉 者亦修潔合學之盛獲冠畸昔赤城羅適與先生爲莫 **殊其性不亂其倫而後已故高第弟子仕者多循良處** 授鄉邦遠近來學者肩摩袂屬至僦舍處之先生之所 其行誼與山陽徐仲車並稱累舉進士不第以明經教 **跣足廬墓三年甘露累降躬耕以事毋毋老齒髮不衰** 學也禄未及養而都使公以疾卒先生純孝天通垢面 **省杜門卻婦歲或三出藏與不識者皆知其爲安定後** 代臣官職其橐奏有高蹈卫園沈淪草澤德行純茂孝 以其餘力葬內外親及州里貧而無後者十餘喪 一年四九一 **嘉業堂刊**

一日曾親朋列飲酒數行取平生文稟悉付煨燼爾後 悌彰聞之語先生屢書力解羅竟莫能奪崇每中詔天 先生日世方爭奮以求舉公今獲舉而退避求舉者固 僚吏造其廬具安車禮遣先生終不就聘去城之黃嚴 天諸子以籃輿侍其後眞有司馬子微之風忽有客謂 服道衣戴華陽巾握青藜杖風晨月夕往來平委羽 之不被舉者非人類歟是啟其鄉原之賊也吾且不忍 罪也 以八行舉士郡太守李諤保奏全備八行事狀躬偕 一己之爵命以蠱天下之風俗何要名爲客慙謝 律身治已直分內事使吾得以八行應科 避舉者非要名乎先生答曰人而無行與禽 がない 三吳典劉氏 目則彼 洞

云炎續季節弟子弗如季節之子也 運門拜且泣日吾賴陳謙徐弗如陳緯 深知其利病云踵門拜且泣日吾僖熙七年春正月黃嚴支汝續拔當作績彭椿年重修 徐季節先生墓誌銘 祭已萬嚴隱士左緯經臣哀詩訪瓘於寶城方丈語及 宮以詔來者作傳 即世告难發緘慟絕函起為之書謹授介紹俾藏之件 大路經臣勉雜紀之越士載先生之門人陳公輔遂 生不以雅卑鄙辱追雅好於于載之下果何幸耶政和 **士大夫稱道先生不脫口被謫此來猶幸親炙亦奚憾** 退於歲賢矣哉瓘元豐二年塵忝计第經游宦塗見賢 焉然先生高節足繼孺子瓘之不肖深有媿於仲舉先 ----臨海石弦子重撰 赤城集十六 玩業堂

然若尔可親卽之温然若不可捨逮今三十七年矣雖 堂之銘頗竊有請予嘗與先生同場屋識先生望之 數見徵於是敘而銘之謹按先生諱庭筠字季節曾祖 **发 也 每 趨 郡 輒 為 子 言 與 先 生 遊 處 狀 子 方 將 拏 舟 造** 聞先生學日進德日崇而蹤跡飄泊不克承教季和子 進無所依歸諸孤將以三月十六日葬諸臨海明化鄉 梅谿巡原會稽孫君應時季和尉黃嚴辱狀其行而 **邦不幸去冬十有一月六日鄉先生徐公棄世晚學後** 傳後彰之者晦之重為先生累則又不敢當旣而季和 馬而先生亡矣茲銘也何敢辭然自揆不肖言不足以 爽世居臨海父中行篤學躬行教授鄉里與提刑 《台學先一類節上一 西吴典劉氏 嚴 凼

必公得論喜盡卻賀者其龍也求言於先生先生 **冷龍圖鄭公伯熊生日有獻歌詩者先生作上壽論貽** 貴易得名節難保公敬受馬上嗣位之初詔 界王公然故待制陳公彙尤愛重之政事多所咨決尉 所守以求合郡延充學正以禮法率諸生邑大夫故提 足以為中興者五識者獎之然自是試輒不利終不變 **同爭獻諛策問中興歌頌先生慨然條其天下大勢未** 北乃娶紹興丁已預計偕後再赴舉時秦丞相韻國有 羅公適厚善崇軍中郡舉八行不就始徙黃殿先生 居喪毀甚旣免喪猶自傷不忍娶者十餘年朋友强四 有高識十四人郡庠湻固修整輩行敬畏事父兄天至 i 四方 業堂 劾

意先生年益高齒髮不衰一日忽命駕厯訪舊遊徜徉 進藥即自力起坐神氣瑩徹目光 幾月歸感微疾革敕諸子送死一用司馬公儀諸子拉 所親皆勸之先生日吾嘗草封事其閒言嶽廟冗滁 **尋有旨加恩舉人五到省年及者與嶽洞先生適應格** 用雖不達可躬蹈之 事先生述 述牟如璋孫男女十有一先生天資剛正質實不事緣 吾往矣瞑目而逝享年八十有五先生 田里不復至城府郡侯尤公袤閒其名特遣書致慕用 如弗爲弗君 數千言將 作按當 邪因亦不就廷試深衣幅 上之已乃不果即削橐不以示人 弗思弗思蚤卒女三嫁章化鵬 天介 一一 炯然手納藥未竟白 娶陳氏子男四 こえられては、 市放 牟

濟人之急其於族婣尤厚嫁兄之女及友婿之女凡六 義忠信朋友有過面責不少假借小夫賤隸一善可取 八天寒遇人於道意有所憫惻輒解衣遺之不問姓 稱歎不容口家甚負授徒為生所入僅潦飢寒餘悉 接人和易無責賤之閒不輕臧否人物與人言依於仁 **僦居六十年泰然不以爲憂邑長有好事者援洛人 句務行諸身手疏聖賢格言揭之窗壁朝夕對以** 飾服 不焚紙幣不事陰陽吉凶之說師慕洛學讀書不冶章 而後脫巾旦則巾而後起終日危坐不鼓側口無戲 水洞神佛獨嚴其先祭以分至祭之由雖疾必扶以拜 食器用專取朴素事無細大必誠必微趴必登牀 「台學統一角色」 王一岁里 嘉業堂 自曾

地 一覺其庶矣乎吾惟以不欺心一語佩之終身汝宜 季和狀先 ,粥粥若無能者臨終謂諸子田吾少也岸無過晚而 之善者以歸之先生皆笑不願晚歲諸子始葺 自薰陶漸染之助而德性精明學術 老意嘗目君子爲善欲無處於心而已非求人 於邵康節先生之說欲率錢爲買田廬又 屋纔數閒而先生以爲過其欲名其房日佚 平生潛德絕口不自道其容貌解氣無一毫矜見於 厥有常性物欲蔽固以失其正 了巨學統一 一之行如此惟先生窮居侮 可謂特立獨行之君子 氣節上 者矣銘 橋非 **共误與到** 分錄 **慕業堂** 學誠敬 施 我被 八知 師 念

跋徐季節文 杜範儀 甫撰 清獻集十七 **今其遺文僅數篇讀之使人燣燣有生氣嗟乎盈天地** 我心則孫旣壽且康聲問日隆謂天難知而報亦豐梅 先視彼窗壁無非格言處已接人有權有度我躬則否 閒皆實理也理不實則隳事不實則壞人不實則危 谿之原先生之毳過者斂容千載無替 **馬行雅言雖酬對俗語莫非師訓至今傳誦以** 文公之實也知公之爲重者可不摭其實而步趨 父及鄉族先輩皆季節先生弟子余幼時已聞其 然崇而衒之夫奚益嘉熙戊戌夏六月六日里 和警属

詠竹赤城詩集 輓詩 輓徐季節先生一首餘姚孫應時季和撰 不論臺閣與山林愛爾豈惟干畝陰未出土時 腹中唯有古詩書平生義劑雲天上日暮家無擔石儲 語言平淡骨清癯誰似黄山 便凌雲去也無心葛陂殆與龍俱化嶰谷聊同鳳 年過八十更精神佚我房中自在身檢點欺心無 ,朗風清良夜永可憐正子獨知音 問台人君識否此翁原不事名譽 季節遺詩一首 《台墨紀一氣節上一 老徐眼底不知人富貴 七吳與劉 燭训集 新花蓝 先有節

谈梅谿月蕭條柏隴春鶺鴒相向哭末路更誰親 郵徐季節先生黃嚴趙師淵幾道撰 三台文獻道嗟無命傳家幸有書魯山終不職無卷倍欷歔 薡 徐季節輓詩四明樓鑰大防挺、蚁塊集 公府推徐稺山陽薦仲車盛時遺此者沒世覚窮廬行 天子家聲遠淵源學問醕葢棺終野服築室半朝紳黯 **前輩凋零公又往哀哀令我涕沾** 他 用 青 錢 選 難 尋 白 壁 瑕 布 衣 終 個 和氣似三春莫疑見識驚流俗自是淵源到古 巾 世環堵僦為家節 方城遺獻 一方は一十

題必察先孫墓教安朱子 雅紀 書書館在何愁白屋居我來君已逝揮淚表工 道學傳用古東脏說三徐門清一壺水家富五車書但 黄嚴縣學三賢洞記 臨海陳耆卿壽老 從安定胡公學為司馬文正陳忠肅諸公所知遯德工 **道非主鄉所得私也師之始二鄉者黃嚴推八行从行** 園潛行里開嘗兩以應詔臥不起故黃嚴之稱前輩者 **租馬然未有表而祠之者紹定改元十月趙令汝駠始** 洞於學且日吾不止崇一鄉之師也崇天下之師矣上 : 11. 机卸比二 天白镇集 撰 以具與例氏

崇寕閒有若填定温節二先生父子相繼俱以 **发火条國元兵別余將遠行日吾徐出也徐之先在宋** 致余國元遠行詩序黃嚴潘從善擇可提 號三高生來孫月升世其學算其洞之役且奉令之命 名良佐龍泉葉氏名適入行名中行子庭筠亦以孝著 出安定亦宗孔孟氏然則兩先生之與八行葢同歸矣 察之學葢宗孔孟氏龍泉之學亦宗孔孟氏八行之學 求予文者也 而師之自一郷始也合而祠之自一郷推之上蔡謝氏 **丽先生这學具在曹八行之學具在心心與書完也故 丽先生信丞平之師矣而八行則不止。鄉之師也合** 台學教一名面 大農業堂刊

崇表先德其獲罪也滋大吾爲此懼將持以求當世亡 遺像猶幸吾母氏實而存之使自我而湮沒焉非所以 傳筆古東甌說三徐西山眞文忠公亦曰三徐先生視 時間人文公朱子行部至台質往拜其墓有詩日道學 氏之志馬爾 山陽節孝殆無可媲 漫漶不可知得善貌人者傳其似以託不朽庶以成母 言之君子發其幽光以照映史傳而粉墨之久將零落 天不愁遺其後今乃斬焉無緒而其家所輯世錄及其 一徐先生贊謝舞 載國史其取重當時有若此者吾黨之士所熟知 (全基化) 氣節上一 而父子相繼則爲過之 尊鄉錄節要 **光| 吳興劉** 间列鄉校 K

百马龙一

上席兼堂刊

斯文 亭大書奚啻衮黼高山峨峨大江沄沄孰謂公沒不在 披維公有法是固温節特立以行克邁先烈白首僦居 以困為榮不受祠祿不領中興東甌三徐道學手古考 以憂痛哭流涕安車在門八行有科公謝不起鎭此頹 君子儒次日我公安定之徒公雖布衣不忘當世或慎 **뷍學未興孰啟伊洛遠矣我台公奮以作精思質踐爲** 二先生之所得力唯在不欺心一言而語其所至殆 猶在善人有恆之閒乎顧雖精微廣大不及伊雒諸 儒而海嬌窮居師承無自乃能抗心希古特立獨行 桑**連按**言合學者必首二徐七百年來無異議矣恭

赤城志趙坦驅黃嚴人字十朋志向超卓與石尚書公 李参政光為內外兄弟二公賞顯附託者眾占龜獨 弼李参政光爲內外兄弟二公貴無隻字相通其介如 乾隆黃巖志趙占驅字十朋志向超卓與石尚書公弼 此家有軒面植雙槍呼爲槍隱士而自號木公居士官 獨占驅閒關相從異於疇昔家有軒面雙僧人呼為雙 隻字與通及公弼謫居矕怨滿前人絕口不敢道石氏 和寇亂動以火攻獨於是再相戒無敢犯 之首三徐也宜哉 爲趙杜諸賢導其先路固非豪傑之士不能也台學 隱君趙十朋先生占龜 **《台》花一条節上一** 干吳興劉

瘤 隐 **運不問親疏予亦有東皋二頃兩子皆學讀書客至弈 豚犬教知書三頃良田儘有餘魯酒三杯棊** 正忠文公集樂精正黃嚴趙十朋賢士也有詩云四枚 情猼亦外余斯翟公所以書門也趙木公獨不然柄權 戒無敢犯是斬子餘慶有父風及作特科長谿縣系 傳授讀書鐙客來一局三杯酒王十朋如趙十朋 **暴飲酒遂用趙君詩意成一絕蔣有田園種斗升兩兒** 而避失勢而親可爲鄙夫之砭矣 **舊志論田長平必吏移於冠軍魏其之客衰於武安人** 清獻公文集黃巖杜跋趙十朋文集余自幼聞趙公 **計自號木公居士宣和寇亂動以火攻室廬獨相** 療業堂刊 局客來

羣之韻然公之文尚多一散於<u>在</u>寇之虐再散於暴敗 父子之賢恨不及識今幸見其遺文猶可想其飄逸不 雖阸而風節磊磊至今猶在撫遺編而若見其人固不 赤城新志王象祖字德父臨海人學遂行高闔門不 城府守命願見不可得常惻然有憂當世意眞文忠公 **而且阸其文也嘗聞石李二公爲內外兄弟方其在** 一翰墨閒 為土者其自重葢若此公之身雖窮其氣不可屈文 一餘赫弈而公隻字不通至石公謫居 臣之暴命其所有半無二三何造物者不惟窮其身 隱君王大田先生象祖 《台學苑一編節上一 乃相從 王吳典劉氏

極 朱元學案王象祖字德甫臨海人學於水心水心所謂 相先生已寢疾猶棄數千言規正之其憫時憂世之心 **高守会欲見不可得眞文忠公德秀極重之有故人作** 塵垢拭杯案者也其文톍古老健雖陳篔囪亦畏之 私時論以蘇明允龎德公魯仲連比之則其文行可見 同時論學者嘗有詩云皋夔周召佐中古薫曹房杜與 与所見不正筆吳荆谿而下蔑如也和厚嚴重學邃 此時論北之蘇明允龎德公魯仲連云先生頗不 重之膏嵛書與眞謂救時當法孔子不止法孟子有 大田先生 11日年一次明月 游 桨 推刊

知台州之重各篔窗陳公之畏友也他日會之篔窗所宗勉嘗 改文復以鉛爲請嘻敘且銘是歐陽氏施之聖俞子 漢唐因事因時修治效不談道學又何妨是則頗近同 宗勉膏、流水心葉公之高弟樂淨□公安公益即卒之賢耳熟葢水心葉公之高弟樂淨□公按後文當作 大田先生墓誌臨海吳子良明輔撰 甫一派議論不盡本於水心也 鄰幾者余何敢偕而於義何可辭余二十五六聞德 王德父既沒余爲敘其遺文十五卷將葬其子勉馴 數干載勘訂東都南渡諸儒精麤異同領擊珠員海湧 樸厚嚴重色正而氣和不以余晚出辱交馬自是歲必 一再詣詣必盡日留聽其言出入經傳百家上下古今 気のヒー 赤城集 山川の大井り

茅舍傍耕翁樵叟舉手問學正安往亦若喜動顔色 **德父好語勞之恩意敵朋儕而獨以見達官爲恥以 黮繞** 文餘家具左右偏塞若悶悶不能出氣而德父終 其思也苦故其入愈奧其見也獨故其出愈竒愈是眞 疑三四讀乃始疑爲會豁馬通吻膏舌腴淪浹肌隨葢 俗子為無味以入城市為不得已以非義之獲爲泥 **威處之安然余亦盡日對之欣然也值其疾少閒侶行** 水心所謂蘇明允之流也是時德父有重膇疾一室黯 田閒倚枯藜傍流水且笑且歌雜犬桑麻俱有自得 而嶽立也閒出所著一讀怳眩不可知再讀驚喜而猶 一試禮部歸即謝舉門不入郡博士

博習編交乾湻諸老贈承議即妻陳氏男勉削勤女長 疾已侵棄數千言規正之及公不及私何必龐德公魯 海祖衟文學行義有名孝宗朝為校書即父應之豪 仲連之流也余不足以知之矣德父名象祖家世著臨 宜學孔子不止學孟子李公既相素厚德父者也德父 然德父雖閉關每惻然有憂當世意而慨然談當世事 遠近宿儒新俊閩風慕重不但稱學正以其居大田 **適柰宗次先卒孫男五殁於嘉熙三年四月晦年七** 稱之日 **真公**这在建安藉余寄聲德父德父因貽書勉以救時 | 入稱學正而亦棄不就太守縣大夫願見之不可 悉田王先生云噫何必蘇明允龐德公之流 耶

關不哭亦不則我足全而歸之賁林谷 部語脫筆則期閣省而暮天下益登高而招與引領跂 足於牆陰者所居之地相意也雖然位而後名固也天 **省位荷適均高下在オオ荷適均高下在位間巷之窮** 云葬於追施元年某月某日墓在重暉鄉三院山銘 **吟泉石之孤嘯灰朋之清詠近不出鄉黨遠不踰州里** 天授才於水才不必與位期也然必與位兼而後才始 正遂無來位而名者乎孔子孟示皇皇於春秋戰國時 夜光出屋天不我區連城幾何人不我玉雖不我王 太田王先生曹真殿平若水清臣撰 朝廷搢紳戎爭眄睞大臣敬憚新賓舊僚百口美善 一行學統 三百文獻 黑菜堂刊

時君 韓歐 **买本朝老** 温也 為於前 歐之位宜 而氣象實 歐稱 斷 之位 不能用或暫 後 旬 也 世 雖 其似荀子韓以其文章議 人到於 作先 无 若失步牆陰 美弗彰者僕猶疑老泉之名曷爲 至今孔 7多七一氣節上一 布衣 生之文簡嚴沈遂實似老泉 秧牽對接分求 个誦 生 未得 來自萬 孟 身 乙此亦無位 也 者謂奚燭後 不能於位 **軋棄然時** 引領跂 名豈囿於位 里蜀一時 一言的 君 薦 而名者 論追 見不 而 戒 稱 者 典語 适 也 自韓 吳與新 當 雕 子皿 何假 規模不 極 時 世 能 固 於

之大者偕其名則難不愈難乎惟其愈難故老泉以後 拥指 寥寥雖然同此不位而名也其文 於位非位而後名也位而名者已不敢望今以不位參 名易也而位者尚不能皆名不位而名難也而乃與名 辛爾先生非有老泉之遇而名曷嘗不老泉哉且位而 下無歐陽不能使天下無老泉也老泉之遇老泉之不 **芝則又不止無異於高而招者矣嗚呼僕今而後知** 異於高 而老泉本於戰國先生本於春秋 何矣僕受才最涼位非吾能也名非吾事也而少學 可計而先生之名則布衣於其中況數先生名溢 而招者令之荷世大名 「百島紀」 優塘鶴山篔窗城先生 則 所以簡嚴沈邃者 同 此 簡嚴沈迷也 幕 浆 **3***.

遺 秋 軍清 文 也願聞春秋之所以簡嚴 臣 一口口 文 獻 四

政 M 端坐之 乍 明 衰)藉 其 無聞 恐其不 外 餘 猶 剃 資 燼 餘興枯 落 及 被 見及見常恐其不 如 似 毛 Ż 捌 朽而快晚暮 思得俊偉 慶 器 種 特 德 果 鍾 窐 起 見使 於故舊交 受 甚 朋 一拳拳 及 獨 見 票 冰 也 心

前施未報繼施益隆其快晚暮也有此良際志

惠

(白)於充一氣節上一

祖為子賀

也

興枯

朽

平瞻遠

猷

於標

蘠

偉

於

今則

為孫

偷 敗秦 知 王次 見者嗤矣若曰借譽者多蹤等恕老者 不敢當也 魚 影描 而黄秦陳晁張皆卓然名家 其道 儒不自 工艺九一 文字之趨日靡矣皇 粉黛塗澤之 以元祐諸 家張呂 新 俾 健 厕於佳 輝映干 朝文統大 麗 L或假 定尾

並可俟也篔 而目 著根幹先拏空盡其力滋其本則過 模自成塵埃埽盡骨肉勻好驥子墮地氣已 蘇之作求其一言之幾乎道莫得也吾友機 與述讀檀弓談左傳評國語及史遷買誼揚 富有心思目力極其所至澤 露而寫光景僭比與而盜離縣可吟字鍊豈 一健者清而不淺清 **東**百學統一 氣節上一 窗謂高文清似毛澤民僕謂清而且健清 可遲乎行當問津 幾見謂未百年可 而不枯之 則識者懼矣鄉邦之彥嘲 調 比也 也春 一种越國資壑昂霄 美灰黑 秋 千里喬松 無 得 得 柳

三子 餘功修之也初子城埡於闌躑蝕於民居寖侵寢削 重修子城記赤城集 於時既不足為人言不工於已豈工於人又足爲吾友 為善類賀斯文也春秋之喻少習今老徒工於經不一 **行城東自鼓樓剛州學過東山閣包 灭城**个越 所居也 而長於內外班曲而為洞門又 第寫 · 親而長於內外班曲而為洞門又 州之後 師徽猷郎中葉公之再造台邦 逐瓶罄則不但為孫質祖為子質父又將 山西自鼓樓 介 內 **N** 展問巷定丈數立表 外班 曲而依 以修城之 ij 有外 國班 茳 H

之於石或謂物大者體 州後 可略環台城 |未缺典也故大城 潮互疑春撞 利 **債長較短** 直物乐 北山城為文 公是完一氣節上一 一材數力貿不能 蹙 水包出越谷其 而新之旣鑱諸珉矣因大 炳 曾 耀威儀章嚴侯度 九百有奇而子城之 不能十之 東 必重力微者事亦輕舉其重 一
劈
之
棱 西南三面為大 城 用 一也大城增高加厚 之 或帶之 物 改觀 也洪矣其取 一也 大不過 城而及其微 干四百有 西有盤 則

試慘萬杵同力百材共良門關如鐵雉堞 說者謂郛者郭也內必有城矣然則城有分於內外無 盡於此城而子城因平地施版築費公之規畫曾不 考也有手年之州治必有干年之 百之一也若何而筆嗟夫談曷其易郡國之立城郭惟 至監紹定之水力功物可施 **喻二丈累石於椿結成三疊復以** 朝沙上 **車重則俱重孰爲彼此魯城中城春秋屢書鄭郛之** 万於輕重明也且作者必紀以有俟也紀 豆非厚幸而城復於隍泰必有否山 下翻 濤攻擣長隄復慮其難恃 上上三元 增至和之人 保障並存並 乃撤樁於江 謀 附於地 可礪發掘 而獲傳以 練 精神心 剣乃 能 思 成

茂齡修城記於倅廳面壁之刻碑模以片紙如獲干 慶麻至紹定 次魏乾道丞 不又多乎故子城之 數而不足證 者以前作後述有傳有考書契所以 **万股**乐里合 整槽 變與時會不能無也然否終歸於泰剝必繼 以俟後 活治湯湯幾二百年而載見豈數乎事 則子城與郡咸休存片石於樓側之隙 この一気節ヒー 、雖獲罪於或者之論不辭也公名棠字 祠記赤城集 孫詳見於生 不可究有 一記書之詳解之 一儒生花搜遺迹得蘇 一祠祀 復於公之功巨 有功於 司にジェードリ 天下也

請冤妖籍戸口頒錢米助畚築弛徵権閤租賦以請命 馳來朝廷以公得合民心因命當天災以續民命至 閒且乞大賜予以造点邦會趙守得祠併以郡屬公事 求利害以盡人言問疾苦以通下情日以所見奏所未 陵谷反易城市為沙礫之墟亡者疊腐存者改形為 港入於海香三日癸酉前邦君合本路倉使葉公閒變 紹定三年台郡夏旱秋潦九月乙丑朔復 大戚迺賂貪夫以收遺骸募卒伍以出途巷嚴冥錄 **下卯天台仙居水自西來海自南溢俱會於城** 而出平地**高大有七尺死人民駒二萬几物之**蔽江塞 戒襲朝天門大翻括蒼門城以入雜決崇龢門側城 · 白學新一等電 雨丙寅加縣 則

二年凡官發背如之秋租減其七明年夏賦捐其半預 遺木腐於泥療沃心惶怖公移粟於近告糴於遠勸商 **鐵米以振쁴城築者合緍斛幾百萬初倉廩湯於波濤** 韻言益切先民而慮後民而發亟請不倦 買通有無憂在不繼及聖澤溥博憂在奉行內選郡 各競於善而惠無不實日有粥月有給疾疫有藥死亡 居天台仙居重於寧海黃巖重者數倍輕者必稱必均 書災傷以輕重為差州郭重於諸縣臨海重於天台仙 外求萬公萬公各自擇其鄉之堪其事者幷書吏省文 前閩也水先壞門遂加堅為深結深為洞門三其限以 東方

售一尺厚售三尺埋深以固阯開叠以廣基器利材 蒼門栝蒼無鏬水必犇豐泰倂塞豐泰門患 受版石穴其防以為 為長隄以護城足患水之衝內爲高臺以助城 此念天實臨之邦人豈無人心哉歲旣告登功又告 峾 未偏民情大感佝憂不滿哀矜惻怛常若 閘堅闢 乏 工練展民居除惡壤暮穴其築以受水詰朝水 如 築 三分其城新築者 **聂城修郡庠復寶館** では奉命し、 也 **江勢存民立邦盡能事矣** 臺然偉觀可並 〈多門〉 補築者一 邊城 新浮梁廣 又 而志 通 餘環而高厚 利 慮 河渠疏 濟 力城 苡 周 堂 此

骸 聞水之 朝天門之 訛言足 **羸慰安者侍公** 賴 五 生賢 日之令催科立一月之期苛暴不忍其昏墊 日公急民憂天意人謀豈蹔合哉變之 通 **ú興攘敓** 和始 醒匪身奚子匪子奚孫身不 天將示變必先用賢先水一 者水思 也於水之 而開其堂肖公德容 定宣和方寇之變其徒 有數則公之爲則於後 身耳事之未定疫亡枕藉蠶 減節と一 而殭梁安息者感公一心 自慶麻至今幾一 入表功之成也嗟夫天豈 飲食 ミドーコン 可忘 年民 一必祝 力別 耳茫 德 馬 孫 麥 再 尚

壽台樓賦片序 **崴時兮公顏必紅一笑語人兮台民報功報功永存台** 公皇祖正簡公兮乾道秉政公其繩之再顯紹定自今 之兮小此招提巾山崇崇公名兮穹窿西江洛浴公壽 渺渺于里兮誰其惠來存亡續絕兮父母提揚何以報 水哉齊威存亡風有木瓜魯僖復宗頌存閟宮豐功盛 民子子孫孫子孫有知視此豐碑 心感歎不足不足必聲之成音也公名棠字次魏仙旂 至和之築也聖人不畏多難公之為燗於後者豈止 赤城集十誤作記 樂堂刊

今單蒼龍之雲煙通滄 郡 川環 作 也 又明年紹定辛卯作 人王象祖 天文扁 南 欲分欲 千岑而拱揖兮曾三江之蜿 孰宜 溢 /主を見一系節上一 其虚 一
分
演 急 以壽台欲 莫 與馬賦日偉 而交修侈舊雉 **遼湊而西匯駭聞見於恍惚兮忙** 如舊之求今赤子 而頹其弊兮擣崇墉 尚敏兮孰可 此 溟之潮沙兮亦有時而奔貨 卵也誤舊 與台 天台之宅國 明年作危樓 加倍 後 蜒 長 而昔父 **人為民之意無** 如 即長虹之霞采 丁亥與賓彦 <u>=</u> 留 雛 **兮**聚神秀於 八母号奪 燗 民 帝哀

豈不福乎此城插穹蒼而上引兮光下屬而熒熒鎭 之末光詠黃樓之騷雅兮爭日星之煒煌齊彭 度噫變化之難諶兮嘉剝復之有常娛寶彦於觴豆兮 行兮天亦何求其故處功成而不自足兮參泰階之 時於高卑兮安反側於常經襲人物之顯錯兮今萬壑 易勞失於弛張放吾目於萬有今收吾耳於宮商駢 贈昊天之靡遠兮彼昭晰者何星非上台之主壽兮 **务委天敷於有考使知及而仁守兮何玉齡之不可保** 樓嗟洪琦之懷襄兮更二百載而再造棄人事於不 順序曷陵谷之變遷兮有既平之水土道待人 之士女兮同其樂於未央驚吾土之有此兮緩履舄 八合學和一

謨仙遊葉公再造有邦復俾爲三志博雅考 與修馬而林君又爲續志紹定己丑郡 序燣廩乎馬班書志之遺筆莫可尚矣其友 彼此一時兮尚懷遠 **麥非斯人不可也君謂予曰志數百年不克就合就** 赤城志作 亚兮美哲 城二志序亦城集十八 建立不略乎予謂作當問可否非贅 圖 而續志三志繼作不贅乎古事備矣今 牒古諸侯之國史 於太史陳公耆卿凡例嚴辨去 《台學統一《節上一 **望匪登高之能賦兮鋪盛德於** 於蘇與秦 也春秋非魯之史默大 見詞章林表民遺書下 (非略 陷於 **圣** 吳典 肵 訂 有源 倉使 確 君表 書

考尔在茲志乎蘇記謂慶麻必復之責屬之外臺當時 此矣已而儒生考載記搜碑刻惟蘇君夢齡新城 無前聞爾有老父指暗壁浸字示子孫日慶麻 **書况所自出哉三志於是論定嗟夫水之方作** 吾邦之相問書乎否乎予謂紀季姜歸於京師過 於倅聽壁之別碑書城築頗詳而城築之外無見也 子畫有考則老父之暗壁猶信紀述不備雖堅珉深 2處馬傳春秋者謂其不詳也使後之指今遠而猶 世圓牒 可遭地三之何害又問人物有志合天下之母育 邢城楚邱以存亡書新作南 之所有者多經之所無則經之所有圖 門雉問以修舊 Э 成調郡 牒 年 記 於 固 放

		1		矣	涄	人		
				~	冯音	1	一人	为
					心皆	旭	ク	合
				-	訓	苦	青	凛
1					國	#1	合	业
					圖	林	功	漕
		.			牒	君	又	審
					所	又	倍	
					無	7	7	至
					者	災	312	而
					繼	異	而	元生
					或	紀	不	公
	·			ļ	有	功	志。	絳
					因		則	又
					必	門	後:	為之
					自	有	之	之
					赤	得	恨	守
加松					城	於[介	个
					=	齐	必	
					志。	秋	甚	未有倉臺也漕憲畢至而元公絳又爲之守个一人任
EARLY III	F-i=1				始!	<u> </u>	<u>於</u>	仕」

	台學統卷二
•	
-	
三 火 典 剱 瓜	1/19年 充一 氣節上

來妙過 城新志呂徽之號六 **飛節之學**了 子統卷二 六松呂徽之先生 居萬山中以耕 分韻作 滕之句界皆 延之入從 怒日我豈受不義 >14:50、京教節上二 雪詩有 高節 筆 起飲 歎服 <u>寸</u> 中 成有鶩鵝 滕字者苦吟 給 財者 嵿 嚴 훹 名 则 必易之 匍 雪 即 不 易 收 失笑

詩文 吟弗就先生不覺失笑閣中諸貴游子弟 示自 徐至庭前聞東閣中有 話之先生初 三字請先生 問無不知者而安貧 形狀安可原 蛺蝶事 侮之 晦 一足之即援筆 如 詢其 言眾 耳眾始 此 愈疑 見笑之由 人分韻作雪詩 種 樂道常逃 開請之 起 伏邀 親自 敬家 値大雪立 出 堅遂 生入坐 見 其 先 |19 萬 輩聞得遣 耕 閣眾 露路 得滕字苦 人弗之 業 学

地 請和墨字韻 **南草水顺舄訖便出門留之不可得問其姓字亦不** 身寒郭索松埋短髮老瞿曇不如乘此 過面三 驚訝 識其所 不義之財必易之刺船而去遣人遙尾其後路甚僻 一我農家安知呂處士爲何 鼠 何在 中有人乃先生妻也因天寒故坐其中 橋邊驢子詩何惡帳底羔兒酒 答曰在谿上捕魚始 枯藤鶩鵝聲亂功收 台灣起一旅游上 返雪晴往訪焉惟草屋 詩 **双**隨筆寫云萬里關 一見而不能先生豈其 如 知具為先生 物蝶 人惠之縠怒日我豈 何埬欲含渾 閒家徒壁立 摘元齊一先 飛 耐竹委 妙 吳興劉 過滕

倘記得有葉出某書某出某傳又三十餘事治中深敬 事治中答》事互至四十餘事治中止矣先生日 **見者止答宿翼旦客別主人躡其蹤則先生已遷居矣 乃嘗識面潜問所從來語以故喜日是固某平日所願** 見之告以特來候謝之意隔谿謂日諸公先到舍下 非陳剛定孫自然握手若平生歡共論驢故事先生 **布衣見先進風神高簡問日得非呂徽之乎日然足** 得魚當換酒飲踏公地少頃攜魚與酒至盡歡而散回 自先生與陳剛中治中遇於道治中策蹇驅時猶 ١ 外歸

閒老在筆 此 老 黃 樹 八婆家墨 地 谿。 字在囚遊 北 頃 沖綠生 也此戲戲 桺 贈黃君 日鳥聲 刻 車 生 持绿 題題 其壁梅 · 自己 記 二 氣 節 上 奇枝枝符 一波好 塵 3 開 婆娑月 畫作關 翌 禽嗁夢 訓 弄清 如龍 向曉過宿酒未醒眠未起 毎其 句友 桑 藏君士風 字幹徽遺 二吳與劉氏 乃外之間 襲 黃出起仙 技術就居

沿室蕭蕭田晏眠疏狂惟與懶相便尋常甲子無心 看到梅花又一年 **商聲早**口 松圖 得芭蕉綠滿庭 **戊藤牀石硯屛薰風簾慔篆煙清空階數點黃梅雨** 居東五百西枝枝葉葉壓雲低自從老鶴歸來後 」到梧桐夜氣生凉湛碧空閒倚小窗苻明 木樨風 嘉業堂刑

亞蜂限橋字 疏影離奇色更柔誰將紅 縦萍 梅梅 逐飛花過短橋 來汲門 融 縣縣滿草塘元作不容紅 桃林欲放牛 吸井字 限梁字 限牛字 和舞細腰誰家庭院不相招汇皋 朗眠花影更不敲門門恰靜何事猛然吹 一一品を二級節上二 前井 粉點枝頭牧童睡起朦朧眼 四尖頭劉 月斜風急 Æ

學從游甚眾俗呼爲書幮又號此廬先生與陳剛中 洲詩錄翁森字秀卿號 剛中乎促滕劇談而別著 學規以為訓從游者前後至八百餘人有 城新志翁森字秀卿仙居人隱居教授取文公白鹿 「首合與林達本呂起猷祀三處士祠 奉使四 一燕子街來止畫梁 瓢翁秀卿先生森 人名塔和二 屏翳從葛衣造之森迎而笑日 飘進士從虎弟也隱居博 **瓢集不傳存者唯梅** 斯吾昔 瓢羹行

安 多湘 子其猶 卿 王 一之元子暨庶 一其蕃其植秩然升其者其琴現然履 有學古也古方里而井自王畿以及郊遂皆立之學 就為朱子作 倣 四方皇皇然三十載歸始聞翁子之鄉學喜而往 充然退而經誦之聲隱隱若金石然於是知翁子 **鄉學記臨海陳子剛中撰** 赤城後集四 格調金 行古之道歐初余少即與翁子游相好也此 一角貫以登逢衣光帶俛伏罄折其容漏然其 |別秀卿名森元初仙居高世詩載郡乘世 卿句也花落花開總不知紫陽語也 人指學馬學之要求放心而已介子翁 其與其籍秋然

學信其爲古这學也則進諸進而則然因是臣子知 若飲食起居不可須與離豈有他哉誠以修齊怕平自 **环儒爲恥今則異於是父命其子兄命其弟日無科 廣大未嘗一息閒地予與而師致致汲汲窮日努之力** 一心始未有不須學以成者實生民之命夫 其放而存其良也是人之心。成地之心也其局流 以南台之學嘗盛矣異時華門主實無弦誦聲 要平心者萬理迄宗也其初善也然性枯쌌氣棘 卿相关儒固秋之箑冬之 《台學統》 一給也食以學為 地之經也

70 Z 心心善 目之弱 免 壠 亦吾之學 鬼城 風 園 斷 為 飯 \overline{Z} 則 Ž 取其 舜 職 利則 一一一一 莫 也岂 **台於死二氣師上二** 朔 、與天 而獨駭 知 易畿之 諦 而鬚眉 跖 狷 誰 地 念 有 氏見朝 儒 則 為 科目 內 則 Ź 爲恥 同 葐 府 朑 聖 朝 廷所 雍 噫 Z 周 不 則 耶 坱 於 流 學 南 念 夫心 里 俗 斯 台口 然 無 則 Z 而 弊 吾之 大 Z 四方三 科 夕 狂 者 个以 腹 卿 惠 陋 六二 心也也 齭 則不 多 之無學 吳 一十載 役 徙 然 间 至 狹 腹 何 丽 厚 哉 吾 葢 否

變化則人事日以明天理日以融居家孝弟之效成 幸翁子之郷之有學也二三子粒於斯誦於斯亦思 舜其君堯舜其民皆分內事 腹者此謂失其心哉翁子將日非吾徒當斥之大門 **鄕禮讓之俗興使終身窮約庸何損仕而立乎朝則堯 欧之心天地之心也當收其放而存其良知舜跖之 育城旦之役又賤則爲蚩齡之符兔園之策日姑果 辨默而存之擴而充之本一心之妙極於天地萬物之 社義利之閒而念不念聖狂系焉從而師若友講明問** 而不學馬夫健則為權斷之賤丈夫 一川北海、木一一、 也於我何加焉若以無 、猾則爲府史

作心山中 送行 寄陳 夜 遺 靈運平 柬 讨心 陳南 · 苔 賢 哲 起太息 一兵火 古堂 可和 何具亡 園 孤
告發
干載
喟
殘
夜
抱
遺
編
青
盤
照
無
床 **尚遊雁岩 王魯齊又** 按陳天瑞 所憂非賤貧 屐 士遭運每多屯世途自屈曲難揉 按 一个古一 如 心幾佛 : 何 . 气态 瘦藤 鐙 人號南字德 Ш 天地 **詎羅還** 相望各努力勛哉追古 邨修 夕陽紅葉寺 而人生其中云 · 逸者 二 記 我曾向此山登詩 首隔 秋 其 胡 雨白 いっとりずり 補師 胸 頭僧 輸 後事 貫 国中 作錄 渺

寄懷呂六松 **媛鵑春已暮徙倚念流光雨漲谿春急山晴火種忙尋** 春暮即事 步窺殘雪孤愁入遠霞今宵何處宿茆店有梅花 **芳知興棧懷遠覺愁長兩月無來客青苔滿石**床 西風吹薄暝萬葉賦秋聲高鵠雲邊小孤蟬雨後清年 **名猨分飮藏蔬鼠或偷道人方睡去夢入五臺遊** 日書懷 |衲蒙頭嚴扉花竹幽山明雲龍雨天迥月懸秋煮 山外悠然一望賖黃檀六七里綠竹兩三家幽 按詩意似贈僧之詞且非夏日也題誤 台學統 「気を」」 ł 嘉紫堂刊

散策松邊寺無必任去留山昏雲欲暝地迥月個秋 **署鳥驚樹狐吟僧倚樓重陽明日是又作十天遊** 居淡無棕臨流忽有得平生詩外心難 齋偶書 桃灼灼秋雨黍離離眼底干年事空山獨坐時 李學補韻 明臨流賦詩 下孤梅 八台學先二氣節上二 圖 蕊開無人知此意日暮繞蒼苔 八吳興劉氏 鷗 細

訪古 雕 閒來松下扣仙家惟見山扉掩碧霞步繞離根霜履滑 煙浦偶同漁父渡竹籬愛宿野人家悠然此夜得頂領 此心猶爲此君留 海門道中宿田家 訪朱道士不遇題山扉 ^山將心事語黃花 風吹起 月初 山中田家 |預簷醉濁醪松油燒盡夜巔縣兒童| 邨王彦高不值留竹 生梅始華 The state of the s 襟秋遙度前邨訪子猷不見子猷空倚竹 閒 域能吹 嘉業堂刑

高陳古堂其二 **腰**达月千里開門秋一 水有真領寥寥本無音寄語子鍾子須知琴外心 **, 偉識量文字餘波瀾出處早見機在**換甲唇 古堂歲寒雜書韻 子已足遺以安會當夥白鹿華頂極還丹 **邨暮門掩孤錎寒所抱寸心在** 新如修竹月露冼琅玕愛之不能舍 與世換 一聲山月高以上三台文獻 「言語を一気節上」一 墮不自持寕如二女子至性不 林徘徊不 一戦重不刊滿前 日二四看 [ii]

是哉道旁為嗟容北風凋萬類始見青松枝有 新竹壓簷桑四圍小齋 讀書之樂樂何如綠滿窗前草不 風味日以商寄語讀書者曷不媿於斯 夜深燼落蛍入幃北窗高臥羲皇侶只个素稔讀書 **落花水面皆文章蹉跎莫遣韶華老人生** 我節義合同其歸空山雨流 能 時讀書樂 光照檻水繞廊舞雩歸詠春風香好鳥枝頭亦朋 為人所懼大節虧吾父死汝手吾身豈汝隨匪云 可無詩死其身不顧身後遑所知傷 一下是一条二 幽敞明朱曦畫長吟罷蟬鳴 血白日寒無姫 除 一唯有讀書好 沿業 生刊 女焯 友 樹

昨夜庭前葉有聲籬豆花開蟋蟀鳴不覺商意滿林薄 歌夜半雪 洛 按 空山寫景記翁森 葉有聲一等四名服人鏡有句云高閣讀書懷 樂樂陶陶起弄明月霜天高 四詩世多訛為朱子作赤城詩集又以為 樂何處尋數點梅花天地心 樂樂無窮援琴 非也 干崖枯迥然吾亦見眞吾坐對韋編鐙動壁 **涵虚清近牀賴有短檠在** 門台里花二点節上二 壓爐地鑪茶鼎烹活火 國朝道光甲申大考詩題咋夜庭 曲來薰風 及 此讀書功更倍 清足稱讀書 + 吳興難氏 示权

宋 桑 版不識桑樹有羅裳 **栗鬱茂寒露眉桑枝屈曲勾破衣大婦年年憂蠶饑小** 婦忙忙催葉歸東鄰女對西鄰道蠶眠蠶起較遲早 木桑子采桑子朝去乐桑日已曙暮去乐桑雲欲雨桑 《還似去年長豈知城中苑囿花壓牆朱樓旭日映紅 月桃花浪暖初隔谿人 自吏促早繰新絲二月已賣了賣了新絲更栽桑桑 一日本一名で 一八八十二十 下湖 八問有漁無回言未納官 租稅

會見黃雲偏野田 如北部南叫杜鹃蓑披春雨柳合煙 細雨空漾煙草稠相呼相逐過林正回來莫向山邊去 冥向巉嚴險處行 妻出丁家夫轉聽宋薪須束擔頭輕夜來雨過蒼苔滑 地飛花錦作堆休言落後 夜前邨虎食牛 在陰崖覆綠苔以上安洲詩錄 自見む 一氣節上 山監簿 如開愛 十二 吳興 到 不逐波流去 氏

室南洲山田自名其軒日待清隱居所著有待清軒案 能文生甫士歲而笨亡見長老談厓山事即潸然涕 書談道多所自得後因訪弟元甫於義鳥因往從草廬 元詩選番音字聲甫天台人生士歲聞崖山之變昏迷 及長讀夷齊傳擊節憤歎益以事元為恥日惟杜門讀 兩浙名賢錄潘音字聲甫新昌人按當云幼聰敏强記 不食者累日長而絕意進取衣服禮節皆仍宋時之 局土潘聲甫先生音 | 日本一名| 易業空刑 心雖爲晉 r

詔徵天下遺逸廉訪使檄贊之行固辭嘗歎田泉石 隱居 宋元學案隱君潘待清先生音字聲甫新昌太波當作 福也 育非其時莫可療也乙未歲卒年八十有六班七末 **其力不食也築室南洲山中扁其軒曰待倩至正三** 生甫十歲而宋亡見長老談崖山事即潸然涕下及長 讀夷齊傳擊節債歎從吳草廬學草廬以薦召欲行先 服禮節終不改由天台避入南州山中作詩多寓感慨 風雅遺聞潘高士聲甫音生宋末以祖父世受宋恩衣 1. 大年庚午 一勸止之不從遂歸築室南洲山中自名其軒日待凊 のうととこ属節上二 工具與

能去學聖賢事若逐隊過日終無成就 潘氏日學者讀書不明倫喻義雖日誦數千言於身何 題待清軒云寤寐泚思晉幽沈迥避秦志趣顯然可見 他引去 讀書錄存遺一卷詩六十一則皆講學切 誦讀只養得此心寕靜如明鏡止水發之文辭道 心體自爾虛明之或問于思言率性之謂道邵 然透徹。養心之功莫先於敬敬則心有主而無妄 利旅牵引人若不以剛果之心立時斬斷畢竟被 學者入門心裏必須想個樣子要作聖賢 白色新 學者不必日 易業は

淺近而達德達道北經三重位天地育萬物之理又無 學者學其所以為人今之學者學其所以爲已此古今 此關開去不使窒塞自然人欲去而天理復還 謂古之學者爲已非今人不能只是務名之心有一毫 性者道么形體工說何如日邵子把道字當一理字看 關見人之善而慕之見人不善而惡之此便是機關從 種子便是為人。聖人教人為仁曰我欲信斯仁至矣 所不包可見道本立原而學不可徒務其博也以孔子 學術公私之別。聖人不是生成的如孔子也好古飯 仁人心也心旣欲之何患不至 如子思說得無病 《台學院二氣節上二 **新思說**及道之功只在慎獨何等 爲善要識爲善的機 三吳獎劉氏

之發用孟子以此名仨何等喚醒人心又目乍見孺子 歸之叩馬不從遂甘於餓死 廢然識得方能行得若識不透行為未免有窒礙處子 子夏篤信聖人及出見紛華而悅 以求之 **盐逆知其流之至此也故曰履霜堅冰至 - 惻隱是位** 益言之畢竟不肯說破 前知也子張悟得此意問十世可知孔子文以因彰擅 反惑矣 夏賢賢易色一章不過是要人力行意思 看得道理自合如此作便作去鮮有失處若益思而行 為學要勇子路閩斯衍諸便能針聖火之堂 伯夷叔齊只重君臣之義文王以服事殷故 孔子作春秋特嚴夷夏之辨 孔子商羊萍實之對皆 **知行雖說不可偏** 學者作事

説皆是 養之功何 其要只在丰 的 操之太甚便是强制自得 聖人論為學工夫軍 勸 2 其初只在收放心學者不必他求 他 用學者看到這樣言語 人皆有忧惕恻隱之心人能 述 如日操則存是存也使自得之是養也操 經歷過來說得人覺悟可下手作也或問 敬 ·以求吾所性鳥用註 便 是善的物養性不要他戕害本體 無二者之 經語話皆 気がヒニー 然 **卯孟子收其放心與夜氣之** 海病 可也有意於得便是助長 賢 須階 遺言先儒著 心是靈的物存心 腳為也 - 學問之 心體 此心充廣便 上三一に直、 初心 孔子是生 孟子 補 稱 H

看了故曰古人惟恐其好名今人惟恐其不好名也 學者要變化氣質氣質沈靜則漸漸開明用功有益 今之氣化與古不同今及有方不分好處也可同古 **今人今人不必盡不如古人只觀其心術邪正而已** 得自己病處從病處克將去漸漸自入規矩。世之論 免隨得隨法日學者太問玉夫不可二類作去須要識 人者只據古人名事品語令人不知古次未必盡賢於 務要自得自得在循序以漸求之耳若鹵莽作工夫未 目以爲是的人那能潛心去學。學者不居本等該作 后、要心虚心虚則無事不好作!! 揚子雲法言子 理作將去便是道學對人說道學便不是了 嘉集堂 如

氣質 處 所 相 更 淹 有 命 第落 雜 解 伊 #1 桩 之 μJ 個 间 川 觀 主 理 可 見 他 率 謂 脢 14まに報節にご 說 氣-非徒 Ź 靜 性 調 象 而之 那 坐毎 性 語 便 水 極 兀 言 然稿 酱 德 有 歎其善 1111 故 大 聖 抵 而 功 體 政 釽 於 復 木 話 惡氣 學此 业 Mj 段 周 有 終 亦命 門 已 善 質 具 絕 兼本 程 此 通 (只是 言未 門 橫 横 書 2 渠還 渠 主 理 諭 1. 氣 靜 極 也 豐 葢 性 圖 有 稟 姓 丽 夫 所 兼 山 理 卽 純

如張横 矣札之 羅 防壽夢立 豫章見龜 得其傳 雖 人不必 長先 渠是個樣 文定以柳 正所以已之而猶不 以季札 切非人之所及 一年記念一月日 者能 也峻防也 已 先生 蹴就到聖賢 而 一亂之道兄 札果立馬則光 Ž 如 譲馬 後 不惠 此勇猛 朱子看 日幾杠過了一 不可以 亂階據春秋名 比之終是强 向進 終弟及謂兄弟之無後 或 免 於亂 聖賢 必 字 個頭來作 生遂潛 札桑按 私僚者 渡 位何憂不 札之旨也葢 何 短 思力 虚出

也 起 諸葛亮 得 其本 來 不先義 胸 大 別其後 得 元 原 晉 固 無常 明 極 **胸務** 利之辨 亚. 學須 陶 刜 是 抓 亦 淵 光 心 在 赴 皆 初 無常 11) 卻 先 明皆不忍 明 歸 要作聖賢 細 從 密處 Щ 鼦 臨 ıÙ Ţ 遍 佛 則 川 川 被 講 要 靜 奖 旲 國之 事 自 作工 先 求 天 之 先 意意 業後 生論 鴵 生 貧 间 夫 學 然 前 湖 高同 耳 故 面 後 楚 **猶篤守君** 來 衚 會後各從 、有尊德 屈 下便 作得甚 禪 近 學不 世儒 節 原韓張良 寂 從 臣之 切磋 性道 者 帷 齟 郇 義 漢 問

子之 然少 新徒 然罔 道 妙天下 動靜語默取與皆 胎譏後世 全 那時 此 一出處 馬能有 固 之 張 爲 不正 北軍石袒恐重厚之勃畢竟無能 學要立 **感則無用無體** 謂其有儒者氣象若非妃 者不能 良輔漢誅秦蹙項平定 所 進 確 人心有覺悟處方能改過 助 有學術終成不得事如揚雄 志志不立 得其當 忙 中週事不可跼 熯 漢 亦 高調安劉必 良忠 無用則神化合一 則易遷 湎天 勃 路靜以待 以威之 下即辟穀 君子 ŗ 此言後來 業與 向善若 無

恐非明 能成光武之 於腹尤 下之治者徒 無此一節未免優柔不斷奚待平帝 刑 難故 弼教之北 有刑措之風觀其憫緹繁之代父而除 文帝寬厚之主 文帝詠薄昭爲當而 予觀程史未嘗不掩卷流涕姦臣嫉賢 也 日非光武不能遂子陵之高非子陵 知勵名節而無撥亂之才反為宦 東漢沃元以來多賢人君子而 子陵之不屈固難光武容其加 一以柔道 百兵破 理天下此 間官 十萬之眾遂 而後篡 較 謑 者 肉

遺詩 義之氣猶當與日月爭光 勢已莫爲然寕蹈海而不書降表較之 稍消 所思 餘恨也 自咸湻这末遭逢世亂即隱居不仕題所居日待 元以後 書總目待清遺豪二 率 未知果音之手蹟否也 公司是 九一写色 1二 麓中得遺稾屬徐雲 人言陸秀夫何窮蹙 仍隱遯以終其集舊 一卷宋潘音撰音字聲甫 郊此 人元以後始 按宋亡先生 卿校定 無傳本明嘉靖閒 胚代亡國其忠 **矛**謂國運至 熟業堂 訶 此

奠就孤枕强眠誰得知夜深清露重飛夢欲何之覺來 中心有所思蹙損雙蛾眉美人竟長往使我歎離居 悼楊侍郎 仙客棲眞處衡門枕曲流地偏| 指漢遺老如君復幾何風池冠劍近鈴閣典章多國 遲遲分照上羅幃妝臺理雲鬢種種盡成絲 來助白雲潭影清華髮經處無稻粱侵晨采薇蕨峰 成禾黍人還隱薜蘿那堪川 中寄友人 天籟鳴隴上樵歌發還擬醉燭醪與君弄山月 亅氏草堂 上水東逝乏迴波 ションサーサージ 山浮匣

聞鵙 誰謂陶潛偏嗜酒從今蓮祉未應還 爲尋支遁訪禪關蛛坐觀空出宇寰淨土無塵勞白拂 獨龍將海浸孤邨愁來自孋青楓淚戰罷誰招絕漠魂 劍星霜八函書洞壑幽忘機對鷗鳥華髮老滄洲 繭足空齋無 天花如雨落青山龍歸寶座香雲滿鶴繞經臺佛日閒 **眞覺寺訪蔡上人** 霏霏風雨暗郊原有客合悽獨掩門山鬼嘯雲移峭壁 子規聲切月輪斜起窐諸陵憶熯家婦女尋芳渾不 山居阻雨 一日里新二年1011 語不因岑寂怨黃昏 アリチの金 嘉業堂刊

子樗懼 争插 盧 張羽字孝翊黄嚴 張孝翊先生 **> 1** 子基尼二氯節上 德 先 生 典考朔預馬普成 **络**祭酒安城吳師 狀來 **所**著 言 徴 無以稱追慕表揚之 德 羽 掬清 庚戊夏終於正寢葬 銘將追 公班毎暇 八號羽南 集 III 將授官以母老乞歸 納 挻 論 之頻子嘗 豕 樂 **北**吳與 及纂修事 赤城後 初韶 義 乃齎 已宿 訓

炎號石窗祖諱俊封從仕鄍江浙行宣政院 聆旣久莫獲識其後人介塲以父銘爲請此正 慕於疇昔者奚以之辭爲按狀先生初諱輔字廷翼後 **零兒右卡歲能屬文稍長侍父遊宦四明從主** 氏封**宜**人先生生而天資 疑粹警**做**自幼頭 更名羽字孝翊始祖潮自閩徙温郡永嘉之張溪七 阮氏封宜 **土講究詩律大有所得深爲** 伯四府君繇張溪再徙台之黃巖土鼓里曾 退而未底顯樂葢君子而負太雅明哲之操者也耳 行中書省員外郎燕公敬 人父諱思濟仕元浙東道元帥府 一日上 同門土 見先生奇之遂妻之 友所器重汇浙 角嶄然 都事旭 **都事妣**王 子所 業 堂刊 吳先 邟 景

女燕 增益所未聞自四明歸復 淵 記 授書春秋 不能去性 衣 未幾 一愁請 閣 **永樂初**詔 窮探深旨自名其室 纂修大 幅 呼之先生領之 復 巾 於 朝許之 被旨 雅 時聞臣所交多 逍 1 台學施二家節上二 遙泉 經 典書書成例 徵天下文士近 好理數於易參同契 一个館 擬發身取進 及歸 食詞 赋 日 詠 無 日月窟前太史金 l 然 先 鴻 復 從 林 以時事 校 自 儒宿 授 臣首推先 觀成黃先 遊書 官 適 第 先生 每温 陳希夷邵堯夫諸 學先生皆 籍 於 清定 낈 郷 内 生 親老留戀膝 華宋公為之 干吳與 明 均疇陳先 母老力解 封 比至宣入文 外直 見 獲 者成 親 復 餘 勔 <mark>炙</mark>以 惟 歸

淑德懿行子男五 為義之 **恴而士林自相傳誦以爲難得今存三百餘篇 不計家之有無人有急必盡 月被辟而不能** 者 樣 揚之不釋泊故人皆 不能自給與喪葬不 以宣 卽 言論 **娶燕**氏早卒再娶濮 心類多若此所為詩咸清新俊逸下筆若不 **邻不受女兄有夫亡子幼者則為** 一德五年六月二十 成章人有不善軌面折不少貸其爲善者 一丁連一年で 一、三八 上進者 人長乾籥為縣庠生次日玄 則出資 克舉者 無怨言賓朋萃止即歡洽 州范縣縣丞陳映供女皆 七日 心爲之扶持事已 先生必捐粟以為助 為道費宗族 Z 《昆季有 經 杂 有剛 紀友 則

繁岩 孫也與是 **讐之勞是宜列職顯要安食天祿者矣乃惓惓焉以** 恩 親爲解歸老由園个子孫眾多詩書禮樂之 維張之先 (建平里東山之原予開盛德之士不在 ·孫先生以該博之學純誠之行雨承召命有纂修 、適童嗣泳皆士族孫男十有三 遐 通庚其晃孫女五人以是年九月乙酉葬於三 非天之報施雖未及其身而其豐 宣爲之鉛鉛 際明良校醬盡發金匱藏書成拂 閩邦歴 主是 七二家節上一 台流慶長祖 人長適王宜甚次 、屛覲僑王丙禊丁 封禰 |厚者乃在其 其身則在)翠盆上 衣歸 涆 勤 重 **医鄉**

雲彥奕葉臻歸昌 **濂爲之記元浙東道元帥府都事思濟子也少從父** 號羽南原名輔字廷翼號冲陽子以月窟名其室宋景 赤城霞彩生微茫毋乃潜德發幽光儲祥行瑞百千載 欲效辟穀張子房天根月窟樂且康掬清之 同治黃巖志張羽字孝翊鼓山人所居 年登期頤師仙方有美孝子瘞冠裳追書安靈封高 一明師無爲吳志湻行中書省員外郎燕敬奇其才 親老不受辟水樂初詔徵天下文士以參修 妻之長從黃觀成受經學問該治事母至孝洪武 馬書成將授自仍以母老辭歸幅巾藜杖逍遙泉下 一百号が二十二 在羽山之南遂 「詠何琳 嘉業 顼 冏

退之候每於月而 氣 **縣莫究端倪 吃虧盈** 貌充甚 直 月堀指 記 貿 張神 至堅而 祠 和黨蒸百體 詞林戴華陽 明浦 調 得平氣和 月所 仙呼之卒年八十有五苦有 入

揚

袂

言

日

月

堀

之

義 江宋濂景濂撰 盈盈極 生之 取 則焉因名其室以 弗偏吾煉 (5) 市披 空 地也吾意 而衰隨 明洞天翮 鹿皮之 九還七 宋學士全集 則不 漸 虧 裘焚香 返靈 温 前 來 火寒周 復 碧瞳 默坐存 梢 流 雄 頤

指意甚微陽既合陰陰亦含陽苟舉其偏道則全張子 有元牝馬繋乎天根呼吸所關絲絡聯縣枝葉扶疏 復命之 日陰陽 一氣之精互爲其根 拘也予日言 純陽則昭久 區也若取則乎月無乃專溺於陰乎沖陽 以無爲而得 氣孔神超 台學統二条領上二 離 勝 中藏 則美矣其理尚有所遺也人身 而行之與道逍遙是謂三一 也 無為 房日之 絕奇用奇變 陽 而成孰 免畢月之 涸 見其朕玉色 能爲其候 島
取
象
表
徴 成乾坤構精 茄業 連娟 堂

购 別 子 之 上) 乎物苟不以 其與吾 相 並論哉子 說爲當矣沖陽子喟 洞天之上 委 生 邵 视 羽 月堀 不足 其其 以別精非外不足以形 **笑**遂 Z 此示之必大笑而走 Ź 亂 爲 素月流 說 騎黃鶴而 而退 固當 閒 堀 然 輝銀 而否之 乎予日此 予送至: 來 而所謂二十 也一 一下之與子稍一 而 鋪 歎 所 陽 水翻 斯 庭 何 丙初 外沖 道 之生 収 瑶露初 與 输 有精廳 機 其卦 义豈 上士元 將與子 þĴ 吅 聚

雖更僕不能盡也承惡能知之予惡能知恣君當問諧 **辽黃巖人葢有道乙士也** 厄犧冲陽子日唯油陽子張姓輔其名以廷翼爲字台 :斯為刑部楊主事尊人賦 生心似水投老竟解自地解無人到雲深只自看白 一發短青覺舊雖寒且喜無迎送焚香坐閉 尹占之長沙谷府教諭 沙去春深花正 雨朝看 一百學統二孫原上 度延思買誼不久 一般莫解征旆遠且得曳裾閒夜 **公召當還** 嘉業堂 J1) 刑

剣花 黃花翠竹共朝昏雲生石楊寧知冷酒熟山飄不厭運 題鳥根趙 **医 請聲轉落梅風九霄環 酻裹自知天地阔陶然誰與話眞源** 此去鷗盟君莫忘依依羅屋水雲東 送方鳴錫公子還京 僻似院花邨野老 雲 抱林泉趣長日披圖生遠愁 練氣如虹秋 無數秋宋藥每經山 仲維雲林隱居圖 聊養拙 《台學統二氣節上二 松底結廬凊 水涓 山翁日過門古木蒼藤迷遠近 佩青雲裹五色煙霞紫禁中 涓兩碧瞳翠杓香浮疏菊 北谷解纓時 幽隔谿線 , 77 | 174 樹 雨

雅言 侯貴欲言不敢言斯道誠兩得永為後世傳三台詩錄 蜀嚴好沈冥日食止百錢卜筮人所輕久之操彌堅君 明月滿天風露涼以上三台文獻 太區區譽之公卿閒卑哉成都尹乃欲吏高賢豈無王 水落瀟湘秋意長湘処清淚溼衣裳夜深聽能雲和瑟 雨過蒼崖溼雲收綠樹涼草堂人不到流水自斜 有所貴乃不在當年百世有知音何必鍾期然子雲 詹 闊波光淨樹深涼氣浮秋風蘿屋底坐對滿林愁 既雨雲林圓 叔正扇面竹 別珠堂 H

情晴 樵者祖恩號牧菴嘗舉才德弗應而與陳 臨海縣志高紈字士潔號南郭隱於 型 舊志 空王螮蝀倒影碧潭深界破青山色高懸Y **一有八人結詩社自娱 谿南雨新波拍石梁洞門深不瑣流出落花香** 隱君高南郭先生級余德 景為王廷温賦、 **底天賴發長林白** 首錄三 **時高之呼** 口按無弦調冷然太古音略 爲 復號固 阴性 侗

飽藜藿夢亦無心上廟廊宏治改元郡守葉贄欲舉 **郭承家學敦古道澹然無希世心嘗自詠云天應許我 卷諸家又以其文與詩來者數實倍之而其勢未已 풼鐸赤城新志跋初六縣各以其志來上 禺稣義靈梓編赤城人物志晤後錄南郭子及詩文若** 卷今祀鄉賢 一瑞聞其賢躬禮其廬平生面折人過 詔辭不就郡守陳相請副謝方石修郡乘督學徐蕃 时郡宁顧璘立石表其墓為墓**養 所**著有文公台 **沙窮困而一** 衰病之餘茫無下手太守公乃命布衣余 1 一天台學統二家首 1 而與善如弗 一無處百數

昭 告 於 老居處 側悠然長往靡所遺 再歷寒暑而 南郭伯父文集。 兄之 一一号 郭納檢 弟某 官教授 攸同 南 戚行学鄉井名在播 今偶來茲土遂成永訣嗚呼痛哉 功始 郭先生之靈吾父所生惟吾一 吾手足骨肉之所傷 寓維楊遙命從姪 成馬 相其役遂 貫亭 明具潔 种 開局於 本姓高晚始撰 金一所 經史滿条 **牲清酤** 兄懷長 按

節婦張楊子,那潮配也在室爲父母所愛欲 書楊節婦事造治汶胤十 長橋匹馬頻回首崒嵂層崖是固山 落清谿幾樹丹露花吹面曉光寒汪뷍憂切夢 十六始得邦 **亚執節婦手**目 行辭南郭伯父 竹風清興未關樂在陶鎔寧敢忘別於骨肉倍應難 安終身惟君之命是承耳逐不起節婦治喪 **殿聲自接居以來足跡不躡廳屏外** 潮 金貫亨 字而歸焉邦 氣節上 泰奴男應茂節婦拊膺 所集 潮堅志苦學至 到 嘔血

也其身藺相 **弔節婦文** 年稔 也嗚呼若 者斯世豈多見哉吾知其心魏惠王照 無傳 女經子書 長子名經 **厓遺文** 余德字宏德一 井序 懿 節婦者 如歸趙之璧也其家成周太平之六典九 行應茂農器鏗來請紀爱書此以歸之 介基 Par 二条節上二 小愆 赤城後集 字存敬號秋厓黃巖羅洋 斯世豈多見哉余嘗 輒繩之 州之筆者 至今年近七 「爲立傳而埀諸不 西吳興到 為應茂傅 旬嗚呼若 一乘之 压

分九京椒 父母强 絕而復 偶旣諧兮芹泮之英燕爾未幾兮薄 **亭毒運化**分人 毁屢尋死路而未得父母强之以歸竟自盡-**良其節** 而弗能劖銘 河兮遽搦而死嗟節婦之聞計兮肝裂 兄鑾娶椒 之 遂 **甦** 旁抱夫屍而誓 作 /慰探 とは見ることが 風濤兮驚號羅 **以表墓當道知之又不能借力以 江鄭氏合卺未幾兄渡河**搦 物流形噫節婦之獨得兮旣淑 弔 瑶瑟節挽南渡之忠魂青弔西山 情其哀毀愁餓兮萬狀竟甘心埋 之 不獨生舅姑保之 川霜月兮突出悲麗 **澣歸**寧豈夫君 心心 惟恐不 崩 死冀極 業 林 且 匍 閭 哀 貞 ſį. 匐 能 鳳 屢

光瑞平寒門何封章之未上兮慨明珠之淵淪藐子解於是昭凊風之白日霽蒼梧之愁雲生氣凜乎閨閒幽報稱於夫君牝貞迎春秋之大義誓死掃變風之穢昏 之罔宣兮惟貞名之永存 かるを、一家町上 **北貞迎春秋之大義誓死掃變風之穢昏精純天質妙契人文直舍生而全節兮庶 天吳興劉氏**